

Predich

Nimmi Knäächte, sondern Fründe,

leev Christeminsche,

deit dat nit jood? Sach einfach Du zu mer – säät usse Herrjott, kall mit mir, wie mit enem jooden Fründ. Mach doch keene bohei – Wenn et uch immer noch lück jütt, die stolz drupp sinn, wenn de andere saje: Magnifizenz, Exellenz und Eminenz – stürr dich nit dran – sach einfach – Du, minge Vatter!

Datt wor, datt is jett, wat Jesus am hätze litt, nämlich uns inzelade, einfach mit Jott ümzejohn, nitt kompliziert, und verrenk, sondern unverkrampf, oone Angs und mit ganz vill vertraue.

Su en Haltung, leev Christeminsche, die fällt jewiß nit vum Himmel, un is upp einmal do – sondern die muß, die will und darf waaße!

Damit mir all up dem wäch von de knäächte zo de Freiheit der Kinder Jottes jett flükker voran kumme, will ich vier rheinische Rodschläch mit upp deWäsch jevve, die uns hellepe kunne, nit in ängste und Sorje stecke ze blieve:

Ause herrjott hätt se zwar selever su nit unger de Lück jebraat, ävver in allem wat hä jedonnhätt, hätt er se eijentlich jelevvt.

1. Et es, wie et es!

Wenn de alles versöck häß, et Levve ze ändere, un nüß kannste don, dann han de Moot, am Eng ze saaje: Et es, wie et es! Nemm dat Levve ahn, so wie et es – lof nitt vürem fott. Mach et beste us dem, wat de nit ändere kannst! Und süh, dat de jood Fründe fingst, die et mir dir durchhalde und draache.

2. Et kütt, wie et kütt!

Uch watt ding Zokunft anjeht, denk dran: Et kütt, wie et kütt! Du kanns uch alle noch su genau plaane, wat passeet häste nie allein in de Haand – et levve is vill lebendijer als de denkst – loss dich doch uch ens üvverrasche – et levve hätt singe eijene Dynamik – doch denk dran: Ejal, watt uch kütt – am eng kütt et drupp ahn, dat du de Minsche gern gehat häs. Am Eng kütt et immer su, wie et de Herrjott han will Un wenn et dir ins nit schnell jenoch jeht – waat aff – sei geduldig und höösch - bestimmt üvver kurz oder lang: et kütt, wie et kütt!

3. Watt fott is, datt is fott!

Su mancher ist nit frei, weil er jeknäächt is und jebunge an datt, wat einmol wor, wat jestern wor, wat er nimmi hätt, watt nimmi zurückkütt. Jesus hätt immer jesat: Luur nitt nur zerück – levv he un jetzt! Sü, wat de hüek mache kannst, wemm de helepe, wenn de trüste kannst. Mach dir nitt zovill Sorje um ding

sündige verjangenheit – die is beim Vatter jood upjehoffe. Und häng ding Hätz nitt an falsche Werte – Wat fott is, is fott! Wer so denke kann, der wüd frei, jeden morjen neu und fruh anzefange!

4. Et hätt noch immer jod jejange!

Leev christeminsche, datt su festzestelle, hätt nüß mit Blauäugigkeit ze dunn, sondern is de kärn de christliche Botschaff. Wem mir up dat levve von ausem Heer lure, künne mer sinn, dat he alles mit us jedeilt hat, wie ene joodde Fründ: de freud ävver uch et Leid, bis in de Duud erinn es er mit uns jejange, damit mer nitt alleen sin. Ävver us dem duud is er uns vorausjejange – hätt de wech frei jemat zum iwijen Levve. Dorüm ham mir allen jrund nit schwaz ze sehn, sondern als Christen de Hoffnung hillig ze halde und jruß! Et hätt noch immer jod jejange! De Herjott löd uns nitt im Stich – hüek nit un morn – bis in iwigkeit! Amen.

Bernd Kemmerling, Pfr.